

affinium secum cohabitantium nec non famulorum suorum praesentia Missam vel per se celebrare vel per quemcumque Sacerdotem saecularem vel cujusvis Ordinis regularem rite probatum celebrare facere libere possint et valeant.

Haec Nos statuimus, decernimus atque mandamus, non obstantibus nostra et Cancellariae Apostolicae regula de jure quaesito non tollendo nec non superius memoratis Sixti V., Urbani VIII., Benedicti XIV. et Gregorii XVI. Praedecessorum Nostrorum literis aliisque Constitutionibus et Ordinationibus Apostolicis speciali licet mentione dignis, nec non praefati Collegii Protonotariorum etiam juramento, confirmatione apostolica vel quavis firmitate alia roboratis statutis et consuetudinibus, privilegiis quoque, indultis et literis Apostolicis in contrarium praemissorum quomodolibet concessis, confirmatis et innovatis; quibus omnibus et singulis illorum tenores praesentibus pro plene et sufficienter expressis ac de verbo ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter et expresse derogamus, caeterisque contrariis quibuscumque.

Datum Romae apud s. Petrum sub annulo Piscatoris die 9. Febr. an. 1853. Pontificatus Nostri an. VII.

A Card. Lambruschini.

#### 9) Thurificatio.

Vd.: *Thurif.* (Papa celebr. et assist.)

Si forte aliquis S. R. E. Cardinalis esset Episcopus Suffraganeus, praesente suo Metropolitano non Cardinali, thurificandus est prius ipse Cardinalis; post praedictos thurificantur Protonotarii *participantes*, deinde Nuntii apost., Praelati non existentes in loco eorum jurisdictionis sed transeuntes; tum Dignitates et Canonici secundum eorum ordinem, tum Abbates benedicti

et post eos Protonotarii *supranumerarii*, nisi essent consanguinei alicujus maximi Pontificis, qui pro judicio Episcopi thurificari poterunt loco convenienti ante Dignitates et Canonicos.

Caer. Ep. l. I. cap. XXIII. n. 29.

### PROTONOT. TITUL.

#### 1) Bened. param.

Protonotarius titularis paramenta benedicere non potest.

S. C. R. die 27. Julii 1627.

#### 2) Celebrans.

Vd.: *Protonot. titul.* (privil. n. 6. etc.); *Usus Pontif.* (Decret. Alex. VII.)

Protonotarius titularis non potest paramenta sumere pro Missa de altari sed in Sacristia ut caeteri S. C. R. in Asculana in Apulia 6. Mart. 1610.

Protonotarius ut Dignitas non potest praeparare Abacum, dum celebrat more Praelatorum. S. C. R. in Comaclen. et Neocastren. 21. Aug. 1601.

Protonotarius titularis non participans potest apponere Pileum super insigniis et habere anulum, dum celebrat, dummodo non cum Gemma. S. C. R. in d. Comacl. et Neocastren. 21. Aug. 1601 apud *Cordubum* in Prax. dispens. Apostolicarum lib. 5. cap. 6. n. 52., *Barbosa* in summa decis. Apostol. verb.: *Protonotarius titularis n. 6.*, *Pitton*. Constitut. et decis. ad Canonicos n. 119.

Unde, quamvis Protonotarii titulares non possint in Missa gestare anulum cum Gemma, ut censuit S. C. R. in d. Comaclen. et Neocastren. et alias die 13. Febr. 1625 et 20. Nov. 1620 apud *Pitton*. l. c. n. 459. ex *Gavant*. his verbis: Annulli usus prohibetur Protonotariis non participantibus, doctoribus quibuscumque, Canonicis Cathedralium, tamen die 4. Aug. 1663 ead. S. C. R. apud eundem *Pitton*. l. c.

n. 722. ex eodem *Gavant*. statuit, ut sequitur: Possunt Canonici Missam celebrare cum annulo aureo et de rigore uti, sed sine Gemma et sine aliqua effigie.

Vd.: *Annulus*.

#### 3) Habitus.

Vd.: *Protonot. titul.* (privileg. etc.)

Protonotarius titularis seu extra numerum non potest prohiberi deferre habitum praelatitium, nempe rocchetum cum mantelletta coloris violacei et in Ecclesiis et functionibus ecclesiasticis cum eodem habitu incedere et sedere juxta dispositionem Caeremonialis lib. 1. cap. 13. S. C. R. in Mazarien. 28. Sept. 1630 et in Catanien. 5. Julii 1631.

Protonotarius incedere potest cum habitu praelatio et suum retinere locum in choro. S. C. R. in Burgi Sancti Sepulcri 22. Aug. 1722 teste *Ursaya* in Miscell. primo littera C. n. 36.

Vd.: *Protonot. apostol.* (privileg.; Praecedentia, habitus etc.)

#### 4) Praecedentia.

Vd.: *Protonot. titul.* (privil. etc.)

Protonotarius titularis praecedit Canonicis Cathedralium uti singulis, non autem collegialiter. S. C. R. in Concord. 16. Maii 1601 et 12. Julii 1603.

Protonotarii titulares post Abbates et non supra sedere debent. S. C. R. in Asculana in Apulia 6. Mart. 1610.

Protonotarii titulares tam in sessionibus in Ecclesia quam in processionibus debent cedere locum digniorem officialibus Episcopi et Dignitates obtinentibus et Canonicis ecclesiarum Cathedralium. S. C. R. in causa Castellae et Legionis 30. Apr. 1604; Clemens VIII. Constitut. incip.: *Decet Romanum*.

Protonotarii titulares neque supra neque inter Canonicos locum habere debent. S. C. in Spoletana Terrae Casciae 23. Mart. 1619.

#### 5) Privilegia Protonotariorum Titularium seu honorariorum.

Vd.: *Proton. ap.* (privil.)

Quamquam plura de Protonotariis, quos titulares seu honorarios dicunt, a S. R. C. decreta edita sint, prout videre est in nuperrima decretorum ejusdem collectione, experientia tamen compertum est, complures abusus percubuisse illorum culpa, qui nullis, licet ut plurimum nominibus commendati, talem honorem assecuti vel jure sibi vindicare audent, quibus careant omnino vel delatae dignitatis insignia indecore admodum adhibent, ut ne dum ipsorum splendorem haud referant pro dignitate, sed labem potius ordini spectatissimo parent.

Quare habito ad infrascriptum diem conventu in aedibus memorati Emi et Rmi D. Card. de Somalia Praefecti, omnibusque serio diligenterque perpensis id in primis communi sententia visum est decernere, ut nimirum personarum delectus haberetur in Protonotariatus honore deferendo, ut non nisi, qui rite, honeste ac pro dignitate id honoris sustinere valeant, eodem ornentur.

Proferantur idcirco Testimonia, quibus constet indubie:

1. De nobili vel honesta familiae conditione.

2. De Aetate saltem annorum viginti-quinque.

3. De statu clericali et caelib.

4. De Laurea Doctoratus in utroque jure vel in s. Theologia a probata Universitate vel a Collegio Protonotariorum participantium rite tributa.

finitae, accurate religioseque serventur neque ulli fas sit concessionis limites pro suo arbitrio praetergredi vel in rom. Curia id genus Insignia deferre vel sibi singulatim et extra Collegii functiones attributa existimare, quae corpori tantummodo sunt collata.

Demum eadem particularis Congregatio censuit, rogandum esse Sanctitatem Suam, ut singula hoc Decreto proposita dignetur Constitutione apost. confirmare.

Die 27. Apr. 1818.

Ex Audientia Sanctissimi.

Die 9. Junii 1818. n. 4545.

*Sanctissimus, infrascripto Secretario referente, resolutionem particularis Congregationis benigne adprobavit et apostolicam Constitutionem expediri jussit cum derogationibus et clausulis necessariis et opportunis.*

J. M. Card. Episc. Tusculanus de Somalia, S. R. C. Praefectus.

Loco + Sigilli.

J. A. Sala, S. R. C. Secretarius Coadjutor.

(Vd. etiam Bull. r. Contin. t. XV. p. 141 — 145.)

Il Capitolo e Canonici della Chiesa Cattedrale di Civita Castellana divotamente espongono, che il Rmo Signor Don Emilio Mattei Canonico et Vicario Generale di detta Città e Diocesi, tornato non a guari da Roma usa le Vesti di color nero di Protonotario apost., e facendo uso di esse pretende in avvenire le seguenti onorificenze, cioè: 1. Di prendere nelle processioni il posto digniore alla destra del Canonico vestito di stola. 2. Di sciogliere in dette processioni la coda e farsi servire dal Caudatario. 3. Di celebrare fuori della Cattedrale la Messa letta, ed anche cantata con la Coda

sciolta soffermata da un Chierico, con l'assistenza di due Canonici nelle Messe lette, con più di due Candele accese, e col farse portare preventivamente il Calice all'Altare. Quindi gli Oratori Umilissime supplicano ossequiosamente l'Eminenze Vostre Rme, a degnarsi di dare le provvidenze necessarie, perchè siano impediti tali abusi, et tutto si faccia a norma dei venerati Decreti di questa Sacra Congregazione. Che ec.

Hujusmodi precibus per infrascriptum Secretarium relatis in Ordinario Coetu ad Quirinale hodierna die habito Emi et Rmi P. in voto fuere, ut scriberetur Episcopo ut sequitur:

Rme Domine uti Frater.

Quum ad hanc S. R. C. pervenerint preces Capituli istius Cathedralis civitatis Castellanae, quam amplitudo Tua in hunc eundem fasciculum conjectas reperiet; quumque Capitulum ipsum necessariam exposcat provisionem ad eliminandos nonnullos abusos, quos irrepsisse asserit, ex quo hodiernus Vicarius Generalis dioecesis ipsius inter Protonotarios Titulares adlectus fuit; hinc in Ordinariis Comitibus ad Quirinale subsignata die coadunatis Emi et Rmi P. S. tuendis Ritibus praepositi rescribendum censuerunt: *Serventur Decreta ac novissima Constitutio quoad Protonotarios apostolicos s. m. Pii Papae VII.* Ad praecavendas vero quascumque dissensiones satius esse duxit ipsa S. C. amplitudini Tuae injungere ut provideat quoad singula, quae indebite ab ipsomet Vicario exquiruntur. Sancitum est enim pluries in similibus, quod si processionibus intersunt Vicarii Generales, quod valet etiam de Protonotariis, et non occupent locum propriae receptionis, incedant quidem ultimo loco, verum distributiones amittant ac longiores vestis talaris fimbrias extensas seu

solutas gestare nequeant, quum non sint functionarii. Quoad vero Sacri celebrationem conformare se debent in omnibus memoratae Constitutioni s. m. Pii Papae VII. Idibus Dec. 1818. Hanc itaque S. C. mentem amplitudinis Tuae erit omnimodae executioni demandare, ea qua decet prudentia, ut cunctis in pace dispositis ac ordinatis, nec in minimo laedantur hujus S. Sedis quoad ecclesiasticas functiones providentissimae sanctiones. Et amplitudo Tua diu felix et incolumis vivat.

Romae 27. Aug. 1836. n. 4797.

Rmo Episcopo civitatis Castellanae Hortan. et Gallesin.

NOTA GARDELL. AD HOC DECRETUM.

Post quamplurima Decreta edita a S. R. C. et post evulgationem Constitutionis fel. rec. Pii Papae VII., quoad Protonotarios Titulares, haud intelligi potest, quomodo nonnulli ex his quaedam sibi sumant, quae ipsis sunt vetita, contendantque sibi esse facultatem iis utendi honorificentissimis, praerogativis et distinctionibus, quae Protonotariis sive participantibus sive supranumerariis exclusive competunt, et eos renovent abusos, ad quos tollendos, qui irrepserant, et praecavendos futuros tam Constitutio quam Decreta edita sunt et evulgata. At ea est, quam nonnulli de muneribus Summorum Pontificum indulgentia sibi collatis idea quam falso efformant, ea pariter eorumdem cupiditas pluris quam collatum munus postulet ab omnibus habendi, illud omnibus coequalibus praecellendi immodicum desiderium, ut omni quo possunt modo finem sibi propositum attingere curent, et ita fit, ut quod ipsis ad majorem rerum sacrarum splendorem concessum est, per illius abusum in rerum ipsarum detrimentum convertatur, et sic a

Decreta authentica. Tom. II.

concedentium mente ac voluntate discedendo rerum ordo perturbetur aliorumque jura laedantur et statutae sapientissimo consilio leges perfringantur: hinc non raro etiam quaerela et contentiones oriuntur, quae maxime dedecent ecclesiasticos viros, quaeque eam animorum concordiam adimunt, quae inter eos debet intercedere. Sed haec de medio facile tolluntur et praecaventur, quoties potissimum quisque eos non excedat limites, inter quos privilegia et honores sibi tributi contineri debent.

At hodiernus Vicarius Generalis, de quo in dubio sermo est, limites hujusmodi est praetergressus, fortasse ex ignorantia Decretorum et Constitutionis. Si vero haec agnoverit, ex falsa vel nimis libera utriusque interpretatione et applicatione ideoque sibi ea sumpsit privilegia, quae sumere nequibat. At si aliquod dubium circa eadem habuerit, male prorsus se gessit, hoc enim in casu, si nempe aliquid dubium aut ambiguum in iis esse suspicabatur, media adhibere debuisset, ut verum a falso se jungeret et ideo S. R. C. pro recta interpretatione adire; in dubiis enim Legislatoris mens ab iis est exquirenda, qui sunt veri et immediate legis ejusdem interpretes, quemadmodum in hujusmodi rebus est S. R. C. Hoc omisit, idcirco multa sibi arrogavit, quae nullimode poterat. Locum e. g. in processionibus occupavit prae Canonico stola induto actu functionem peragente, caudam sive fimbrias talaris vestis solutas gestavit, Missam seu lectam seu cum cantu celebrare extra Cathedralium fimbriis pariter solutis praesumpsit, quas et a Clerico voluit esse sustinendas, quae nec ipsis Emis S. R. E. Cardinalibus sustinentur. Duos Canonicos in Missis lectis sibi sumpsit et plures quam duas candelas voluit accensas super altari, ad quod calicem anteferri jussit. Quot

57

et quantae statuta legis violationes! Ut iterum contra legem non agat et iis non utatur privilegiis, quae ipsi uti Protonotario Titulari aliisque hac dignitate honestatis non competunt, discat, quae sibi sunt vetita ab ipsa Pii VII. fel. rec. Constitutione. En itaque hujus verba: *Nequit praeterea tam in solemnibus quam in Missa privata s. vestes sumere ex altari, uti Canone, Palmatoria, Presbytero assistente, salutare populum cum: Pax vobis etc. In Missis privatis quoad indumenta, caeremonias, ministros, altaris ornatum a simplicibus non differant: sumant proinde s. vestes in Sacratio . . . unico ministro contenti sint, non sibi velint aquam ministrari cum pelvi et urceolo, et Duo tantum candelae luceant in altari.* Quod si dubia ipsi, circa haec, res erat et quae sibi privilegia competere nesciebat, debuisset (ut supra adnotatum est) veritatem diligenter investigare et viros in hac materia doctos interrogare et S. R. C. consulere. Haec omnia omisit, imputet ipsi sibi si errores perpetravit, si Canonicos habuit adversantes, si S. C. declaravit omnia, quae praedictus Vicarius sibi convenire praesumpsit, admitti non posse. Id sane significatur in responsione: *Serventur Decreta ac novissima Constitutio quoad Protonotarios s. m. Pii Papae VII.* Idem dicendum quoad locum, quem in processibus occupavit, scilicet male se gessisse, debebat enim locum occupare propriae receptionis, quod non semel a S. R. C. sancitum fuit, et poena ipsa, quae sibi non debitum locum occupantibus infligitur, amissio nempe distributionis, hoc clare demonstrat. Nihil addendum est de fimbriis talaris vestis extensis, quisque enim per se videt extensionem hanc novitatem redolere, cum nonnisi functionariis ea competat.

S. itaque C. haec omnia quae sibi sumpsit memoratus Vicarius Generalis improbavit atque tamquam abusus et Decretis aequae ac Constitutioni contraria rejecit. At S. eadem C. ea quae uti solet sapientia Illustrissimo et Rmo Episcopo Sanctionis executionem mandavit, ut ea quae decet prudentia quaestio omnis tollatur, omnia in pace disponantur et ordinentur, ne scandalum ullum exoriatur et Ritus recte serventur. Episcoporum est enim munus juxta Decreta ejusdem C. advigilare, ut omnia recte peragantur, quae ad s. ritus pertinent, et si quid dubii in his oriatur, S. C. consulere.

#### PROTOPAPA.

Vd.: *Ritus graeco-latinus* (Constit. Benedicti XIV. incip.: *Romana Ecclesia*).

#### SS. PROTUS ET HYACINTHUS MM.

Quid mutandum in eorum missa!

Vd.: *Missale* (Correctio D. n. 40).

#### PRO-VICARIUS GENER.

Praecedentia.

Pro-Vicarium generalem semper et ubique praecedere debere Dignitatibus et Canonico, non tamen sacris vestibus indutis, in choro autem distributiones non lucrari, nisi sedeat in suo stallo. n. 1623 die 28. Martii 1651.

Cf.: *Vicarius gen.*

#### PROVINCIALIS.

Sedes.

Vd.: *Missae priv. Abbatis; Mulier. De incensat. Prov. vd.: Episcop. (incensationis series); Stratum; Pulvinar.*

Provinciali Ord. Min. Conv. in interveniendo sermone in honorem s. An-

tonii de Padua in Ecclesia sui Ord. habito non licere sedem cum tapeto paratam et genuflexorium similiter paratum. n. 1652 die 28. Sept. 1652.

#### PSALLENDI MODUS.

Vd.: *Chorus* (cantus).

*Benedictus PP. XIV.*

VV. Fr. Episcopis Italiae.

Equidem scimus, in aliquibus Metrop. et Cathedr. Ecclesiis inter Canonicos eam opinionem invaluisse, ut se munus suum satis implere contentant, dum choro praesentes assistunt, licet sibi silentium imperent neque psallentibus Benef. aut Mansionariis in cantu se adjungant. In hujusce vero opinionis confirmationem adduci ab iisdem solent inveteratae consuetudines, statuta peculiaris aut etiam praetensa Ecclesiarum suarum privilegia. At quum Synodus Trid. sess. 24. c. 12. loquens de Dignitatibus et Canonicis, qui choro interesse debent, unum ex eorum Officiis esse dicat: *in choro ad psallendum instituto hymnis et canticis Dei nomen reverenter, distincte devoteque laudare*; quumque pauca omnino sint capitula, in quibus eo modo a Canonicis in choro assistitur ideoque receptae in universa Ecclesia disciplinae paucos illos adversari dignoscatur, quum insuper opinio illa nunquam in Congreg. Conc. Trid. interpretationi praeposita examinata sit, quin statim explosa fuerit et improbata, quamvis praesumptis consuetudinibus aliisque fundamentis et rationibus innixa perhiberetur, Canonicis etiam Ecclesiarum Patriarch. hujus Nostrae Urbis super hoc instantibus, quum denique idem iudicium prolatum reperitur a plur. Conciliis prov. ab ap. Sede approbatis et confirmatis, nihil jam reliquum esse videtur, quominus

pauciores universorum legi se accommodent.

Equidem minime Nobis compertum est, quo peculiari titulo suffulti persuasum habeant unius vel alterius Ecclesiae Canonici, se muneri suo satisfacere per simplicem in choro assistentiam absque divinae psalmodiae cantu. Verum, nisi illis praesto sit apost. non praesumptum vel abrogatum sed legitimum ac vigen privilegium sive indultum, jure ac merito verendum est, ne isti, dum ita se gerunt, praebendarum ac distributionum fructus minime suos faciant et consequenter ad eorum restitutionem teneantur.

Quapropter vestrum erit, VV. FF., omnia illis aperire, ut neque Nobis neque Vobis apud divinum iudicem fraudi sit, si in hujusmodi re, quae tanti est momenti, utpote quae ad ipsius Dei cultum proxime spectat, abusus et corruptelas, quas arguendo et increpando evellere debebamus, dissimulatione ac silentio nostro novisse et confirmasse inveniamur.

Datum Romae die 19. Aug. 1744.

(Bull. r. t. XVI. p. 217 §. 24.)

Cf.: *Missae* (applic. — decr. Benedicti XIV. §. XX.).

*Benedictus PP. XIV.*

Curam et sollicitudinem Tuam, V. Fr., excitamus, ut horae canonicae pro more et instituto ejusque Ecclesiae canantur seu recitentur, prout decet ac convenit, ab iis, qui ad eas tenentur; nihil enim est magis eccl. disciplinae inimicum aut perniciosum, quam divinam psalmodiam contemptim aut negligenter obire. Certe haud ignota tibi est obligatio, qua Canonici alique Ecclesiarum Metrop., Cathedr. et Colleg. aut quotidie horas can. in choro cantandas tenentur; cui obligationi satis ille utique non facit, qui

5. De morum honestate et gravitate ac de bona apud omnes existimatione.

6. De annuo censu scutorum saltem biscentum vel ex Patrimonii bonis vel ex perpetuis pensionibus vel ex ecclesiasticis beneficiis.

Sit praeterea petitio testimonio commendata Ordinarii, qui, et de rebus hic adnotatis, ob sibi tradita documenta edoceat et personam idoneam se censere testetur, quae Officium Protonotarii Titularis assequatur illudque cum decore substineat.

Quae quidem omnia luculenter probanda esse cautum est, quoties de honorario protonotariatu assequendo postulatio praebatur sive per apostolicas literas sive per diploma, quod a Collegio Protonotariorum participantium tribuatur seu a caeteris quibuslibet, qui jure gaudent illud conferendi.

Hisce de electione Protonotariorum Titularium constitutis, cum eos longe differre palam sit ab illis, qui sunt de Collegio Participantium vel ad instar Participantium a S. D. N. ex Romanae Curiae Praelatis adsciscuntur, decretum est, ea dumtaxat privilegia, jura, exemptiones, praerogativas, praerogativas iisdem competere, quae infra singulatim enumerantur: aliis proinde, quibuscumque praesenti Decreto non praescriptis, irritis declaratis et deletis et abrogatis, utpote quae ex falsa plerumque Diplomatum interpretatione vel ex prava consuetudine vel alio quovis praetextu usurpabantur, iisque insuper moderatis ac reformatis, quae licet alias tribuerentur gliscentibus tamen malis occasionem praebuisse dignoscuntur.

1. Igitur jus erit Protonotariis apostolicis Titularibus extra Urbem dumtaxat, et quando eo loci, ubi degunt, non adsit Summus Pontifex, uti habitu praelatio, videlicet veste talari

et palliolo nuncupato mantelletto nigri coloris.

2. Eo habitu praelatio nigri coloris cum rocchetto subtus palliolum uti poterunt Protonotarii in publicis Supplicationibus aliisque Ecclesiae functionibus; in reliquis vero rocchetto dimittant simulque sciant se, licet forte plures insimul conveniant, non exinde constituere Collegium nec corporatos censer.

3. Usus collaris et caligarum coloris violacei omnino interdicitur, item et vitta seu cordula in pileo coloris violacei seu etiam, quo nonnullorum audacia erupit, rosacei aut rubei, quae nigri dumtaxat coloris esse poterunt; ejusdemque coloris sit pariter pileum cum lemniscis stemmatibus imponendum.

4. Protonotarii Titulares, qui Dignitate aut Canonicatu potiuntur, habitum gestent sui Ordinis, non vero praelatium in choro eoque consideant in loco, quem ex beneficio eos deceat, quod si habitu praelatio uti velint, distributionibus quotidianis priventur, quae Sodalibus accrescant.

5. Habitu praelatio induti omnibus Clericis, Sacerdotibus simplicibus et etiam Canonicis praerendi sunt singulatim sumptis, non vero in Collegium coeuntibus. Neutiquam etiam praerendos se esse arbitrentur aut apost. Nuntiis aut utriusque Signaturae Referendariis aliisve ex rom. Curiae Praesulibus, etiamsi nullum ex sui muneris insignibus ii gestent, dummodo de ipsorum gradu non lateat; item nec antecellant Vicariis Generalibus aut Capitularibus aut Abbatibus.

6. Sacrum operantes a simplicibus Sacerdotibus minime differunt; idcirco s. vestes induant in Sacratio, uno tantum Ministro utantur ipsique calicem deferant, detegant, cooperiant; item libri Missarum folia evolvant;

vetantur praeterea Palmatoriam, Canonem, Annulum, Pileolum adhibere.

7. Quando adstant ad Sacra cum habitu praelatio, non genuflectant sed caput inclinent, uti in more est apud Canonicos Cathedralium, duplici ductu thurificentur, consideant vero in loco per Caeremoniale Episcoporum constituto.

8. Conficere possunt acta de causis beatificationis et canonizationis servorum Dei; quo tamen privilegio uti nequeant, si eo loco alter sit e Protonotariis participantibus.

9. Item rite eliguntur in Conservatores Ordinum Regularium, in Judices Synodales, in Commissarios Apostolicos et Judices a S. P. adsciscendos pro causis ecclesiasticis et beneficiariis. Idem apud ipsos professionem fidei recte emittunt, qui ex officio ad eandem adstringuntur. Item coram ipsis pensiones transferri possunt, ab iis, qui eo gaudent privilegio.

10. Beneficia eorum, qui Protonotarium Titularem per apostolicas literas vel per diploma Collegii Protonotariorum participantium assequuti sunt, non nisi ab apostolica Sede conferri possunt.

11. In civilibus negotiis necnon in criminalibus atque in vitae disciplina Ordinariis locorum obnoxios plane se esse noverint nullaque ratione ab ipsorum jurisdictione liberos se commiscantur.

12. Etsi habitum praelatium non gestent, gaudent tamen privilegio Fori, dummodo in habitu et tonsura incedant.

13. Familiaribus Papae minime accensentur, cum hoc privilegio gaudeant Protonotarii dumtaxat e participantibus vel rom. Curiae Praelati, qui ex Pontificis benignitate iisdem equiparantur.

14. Quae hic percensentur Privilegia, ea sunt, quibus dumtaxat Proto-

notarii Titulares donatos se sciant, qui secus facere aliisque praeter memorata privilegiis ac juribus uti auserint, si ab Ordinario tamquam ab apostolica Sede Delegato semel et bis admoniti non paruerint, eo ipso privatos delato honore se sciant.

15. Tandem qui Protonotariatu Titulari donati sint vel per apostolicas literas vel alio legitimo Diplomate, nequeant uti ipsius juribus ad hujusce Decreti praestitutum constabitis, nisi antea vel apost. literas vel ipsum in Officio Secretarii Collegii Protonotariorum de numero participantium exhibuerint, qui in Codicem referat nomen, cognomen, aetatem, patriam, qualitates novi Protonotarii Titularis ac praeterea diem, ad quam vel Breve vel Diploma datum est.

Idem porro Protonotariatus privilegium in Secretaria Protonotariorum participantium recognitum exhibeant Ordinario, apud quem vel apud aliam personam in ecclesiastica dignitate constitutam fidei professionem et fidelitatis juramentum emittant.

Quibus peractis fas ipsis sit habitum sui gradus induere, Officium tenere, uti privilegiis, honoribus, praerogativis, quorum notula typis impressa et ab aliquo ex Protonotariis participantibus subscripta et obsignata iisdem tradetur, ne quid adversus haec Decreta ex ipsorum ignorantia peragi contingat.

Quare tum literae apost. in forma Brevis tum Diplomata, quibus Protonotarii Titulares creantur, concinnanda erunt juxta hujusce Decreti sententiam, ne qua ibidem ab eo aliena describantur. Nihil autem hoc Decreto immutatum censeatur de amplioribus privilegiis, quibus Collegia quaedam et Capitula ex apostol. Indulto, etiam ad instar Protonotariorum participantium alicubi gaudeant. Leges tamen et conditiones in iisdem indultis prae-